

Communicaziun a las medias dals 9 d'october 2024

La BCG duas giadas sin il podest en rankings da patruns

A la Banca Chantunala Grischuna (BCG) reusseschi da far in plaz da podest en dus differents rankings da patruns. La banca survegn ina distincziun per l'ina per sia qualidad da recrutaziun e per l'autra per ils privilegis ch'ella porscha a sias employadas ed a ses employads.

La valitaziun d'ina patruna u d'in patrun dat orientaziun a personas ch'èn a la tschertga d'ina piazza adattada. Ils labels gidan plinavant las interpresas da sa preschentar sco manaschis attractivs. Era la BCG nizzegia differentas analisas objectivas per optimar ad in cuntin sia marca da patruna e sias activitads dal marketing da personal.

Alexander Villiger, manader personal da la BCG, sa legra dals buns resultats che la banca ha fatg: «En temps da la mancanza da personal qualifitgà èn talas distincziuns in factur da differenziaziun en la concorrenza per talents potenzials». Ma er a l'intern da l'interpresa dettian ellas in signal positiv e confermian a las collavuraturas ed als collavuratur da lavurar per la dretga patruna.

La BCG sin il terz plaz da passa 1'200 patrunas e patruns

Mintg'on examinescha «Best Recruiters», il pli grond studi da recrutaziun en il spazi germanofon, la performanza da recrutaziun da las pli grondas patrunas e dals pli grands patruns en l'Austria, la Germania, la Svizra ed il Liechtenstein a maun d'in catalog da criteris scientifics. En il center da la retschertga stat l'uschenumnada Candidate Journey, damai la via che las candidatas ed ils candidats fan durant l'entir process da candidatura. En il [studi](#) actual, al qual passa 1'200 interpresas èn sa participadas, po la BCG sa legrar dal terz plaz.

La BCG tranter il «top 1% da las patrunas e dals patruns svizzers»

«[Leading Employers Svizra](#)» fa part d'in studi cumplessiv da patrunas e patruns. Quel considerescha differentas funtaunas da datas sco la cuntentientscha dal personal, las valurs da l'interpresa, la cultura da manar e l'ambient da lavur. La distincziun correspondentia survegn exclusivamain il top 1 pertschient da tut las patrunas e tut ils patruns dal pajais. Da quest circul dastga uss era la Banca Chantunala Grischuna far part.

Dapli infurmaziuns davart la BCG sco patruna: gkb.ch/jobs

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuir | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsuradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft. Il scrit da participaziun BCG è quotà a la bursa dapi il 1985.